

A SEI ÇÉNTO

(Parodi, Moretto – 1968)

do
Avéi vo acatòu 'na bèlla sei çénto, a l'andâva vel ôce ciù fòrte do vénto.
do sol 7
Ve cónto 'n pö a stöia de cómm' a l'é andæta che 'n çìnque menûti me l'àn sùbi to fæta.
do
Prìmma ve dìggo o mestê che mi fàssò, comìnso a dêx' ôe, mezogi órno so' 'n stràssò,
do sol 7
véndo a söda l'escìvia e savón e de palànche ne fàssò 'n vagón.
do
Sciù e zu pe-o pòrto co-a motociclétta, con polegrìnn-a, spasétta e pagétta,
do sol 7
goâgno di mûggi de monæ da çénto e me vén coæ de catâme a sei çénto.
do
Làscio a màchina davànti a 'na pòrta me gràtan sùbi to a rêua de scòrta;
do sol 7
a spòsto ciù 'n la, int'ina vîa l'àrga, apénn-a gîo l'éuggio me frêgan a t'àrga.
do
Arîva i tedéschi: «*verbotte versciure*» e me fàn fêua cìrca mêzo motôre;
do sol 7
ci àmmo i ingléixi pe cacîali vîa: se màngian tûtta a caroserîa!
do

Pàssa 'n figeu con doê bèlle figìnn-e o me svîa tütte e lanpadìnn-e.
do sol 7

Ànche mæ fræ pe curâse l'angìnn-a o fa fìnta de nìnte o se màngia a bobìnn-a.
do

Pe vixitâlo arîva 'na mêga e o radiatô a l'istànte a se frêga.
do sol 7

Pe rispètto a-a scénsa stàggo quêto. Lê a n'apofìtta: fa fêua o tapêto.
do

Ma chi sà cöse credéivan ch'a fôse: a l'êa 'na sei çénto mîga 'n pandôçe!
do sol 7

Vàggo a denoçiâ tutto a l'istànte. Àtra sanpâ: m'àn xatòu o volànte!
do

O mæ portinâ ch'o l'é çénto chîlli o s'asétta drénto e o me sfóna i sedîli
do sol 7
e seu mogê ch'a l'é tütte finéssa a s'apòggia davànti: adîo parabréssa.
do

Pöi arîva a fìggia. Che signorìnn-a! Con quàttro susòin a me sciûga a benzìnn-a.
do sol 7

Pàssa 'n legêra con 'na brùtta mìcca: 'na mêza dentâ o me rozìggia a marmìtta!
do

Vàggo pe câxo a trovâ mæ coxìn. Ghe trêuvo in câza croscòtto e pistòin.
do sol 7

Gh'é restòu quàrche tòcco li da-o marciapê:

o métto inta còrba e o pòrto a-o strasê!
do